



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

VII. Die Octobris.

**urn:nbn:de:hbz:466:1-9625**

P. LVDOVICVS  
VNGRIA.

Hispanus  
Melitæ. 6.  
Oct. 1584.  
ætat. 60.  
Soc.

Ab ipso S. P. Ignatio ad Societatem coopertus. Nobili stirpe natus; at adeo auulsus à carne & sanguine, ut per 20. annos nullam epistolam ad suos dare voluerit. Per sex annos à carnis esu omnino abstinuit. Nil prius respondebat, quam responso cū Deo collato. Orabat flexis in medio cubiculi genibus nulli fulcro innixus, etiam senex. Per ipsos 20. annos pro meditando argumento habuit orationem Dominicam. Mirabili dote pollebat imprimendi cordibus argumenta meditationum. Aeger medico signa valerudinis reditura se in eo comperire dicenti, ego verò, inquit, non cras verum tertio abhinc die discedam: & tertio die datis ad P. Ioan. Bapt. Carminatum literis; scribo, inquit. Reu. Vestrae hodie, qui est extremus dies vitæ meæ. Et eo ipso die obiit. Mortem deinde aiunt consecuta quædam quæ admirabilitatem habent.

Mortific.

Oratio.

Mort.

suis Ciuibus ab idolis abduxit. Macai ob fidem exul, & inde redux, nouo ardore se quàm plurimis Euangelio lucrificandis per labores, pericula, ærumnas ex asse dedicauit vsque ad morbum, quem quâ latendo, quâ concursando, in fame, ac tecti aliarumque rerum humano vsui oportunarum inopiâ contraxit; & vitam, quam in flammis volebat, in ærumnis terminauit.

Fidel.

PHILIBERTVS  
VAN LVYCK.

Solida, & veterano digna virtus in eo laudabatur. Sola Christi patientis memoria lachrymas illi ciebat vbertim. Initio morbi cum is necdum eo loci esse videretur ut periculum subesse dici posset, affirmatè dixit Superiori se ex eo morbo decessurum, utpote in Cælum à S. P. Ignatio inuitatum. Toto morbi tempore, vel signis vel verbis explicabat amoris Dei actus, quibus in Deum ferebatur, cantu quoque nonnunquam condimenti quiddam suæ adijciens pietati.

Belga Duaci. 6. Octob. 1656.

Mors.

S. P. Ignat.

MICHAEL  
XVCCAN.

Iapon. Sci-  
monoseeki.  
6. Oct. 1628.

Carthensis, & concionum assiduitate, vigore, ac spiritu multos è

VII. DIE OCTOBRIS.

P. BARTHOLOMÆVS  
ISLA.

7 Octobris  
Hispanus  
Madriti.  
1576 ætat.  
46. Soc. 14.

Ante initam Societatem, illapso in lectum illius è turris campana

prægrandi malleo cum ille nocte illâ fortè abesset (à quo conterendus erat si istic fuisset &) ad meliorem frugem se recepit. In Societate seueram sensibus, oculis potissimum, custodiam circumdedit, adeo ut cum XIII. propè DD d. annos

Modestis.

Castro.



Oculi.

Eucharist.

S. P. Ignat.

annos in aula nobilium foeminarum confessionibus audiendis inpendisset, nullam tamen de facie se nosse Superiori suo dixerit. Manè statim atque surgebat: inuisebat SS. Sacramentum: prolixas etiam interdiu moras coram illo in orando genibus flexis trahens & sacratissimo lateris vulnere ad cor Iesu pietate singulari addictus. In cubiculo coram S. P. Ign. imagine per diu nixus genibus persistebat: aiebatque se magnâ fiduciâ in quouis vsu ad illum confugisse, ac præsentissimum eius auxilium semper fuisse expertum, Adduci ad extrariorum conuiuia plane non poterat eorum loco ad ægros, calamitosos vinctosque adibat. Pulcherrima illi colloquendi materia erat Deus, cæli gloria, & disserere, audireque alios disserentes de modo Deo quam perfectissimè seruiendi.

## IOANNES

FARINA. SCHOL.

Italus in Sicilia Polizzi. 7. Oct. 1577. ætat. Soc. 5.

Resp. hum.

Silentium.

Paupertas.

ILLustribus natus maioribus, ubi Societatem adeptus est, ad eum se Deo totum dedit ut nullo humanæ comitatis respectu ductus ne responderit quidem vlli superuacaneum, quidpiam loquenti, nedum vltro ipse sit locutus. Per sæpè ruminabat illud secum repetens: *In silentio, & spe erit fortitudo tua.* Quam ex alto diuitiarum descenderat ad religiosam paupertatem, tam tenero ac severo amore illam arctè complexus est. Idcirco nil nisi omnia deterrima admittebat. Simplicissimæ obedientiæ fuit impensè addictus: & in orandi studio imprimè diligens. Nocte nati Christi, & per totam octauam dulcia meditationis suæ pascua reperit in his tantum verbis. *Natus est Iesus.* Etiam præfens pudicitiae extra urbem ab impudente foemina tentatæ periculum e-

uasit fugâ nobili. Fuit puritatis suæ custos armatus Angelicâ vultus modestia, seueritate in corpus præter consuetam omnibus asperitatem, aquâ etiam feruente in culina se vexans, cum interea de Purgatorij cruciatibus cogitaret. Mortem illius duæ res memorabilem reddidit: Altera, quod illam prædixerit; altera, quod in illa cantantes Angelos auditos fama sit.

Mortif. Mort. 5

Angeli.

## P. IOANNES

DE PERALTA.

QUicquid agebat, acerrimo studio contendebat, ut id faceret quam exquisitissimè accuratissimeque. Per omnem vitam vehementer attendit ne vnquam silentij tempore loqueretur. Vnde; quantumuis multifariam occupato satis illi erat otij ad orandum & pios libros legendos cum silentium illi esset custos temporis, & instar Nouitij haberet sua tempora distributa. Nouitiis præfuit per 6. annos, ipse forma gregis paruuli factus ex animo, etiam ad labores. Existimatur innocentiam nullâ grauiore noxâ læsisse vnquam. Cum foeminis non nisi raro, de rebus spiritûs, grauius, & breuiter loquebatur. Dicebatur ei, quicumque cum Peralta versaretur, adhærescere pietatem. Carnem tractabat ceu hostem hostis, ut corpus illius non tam mortificatum, quam ferè mortuum diceretur. Villaregij cum præfesset, sæcularium quorundam inuidiâ, ( contra quos eius Collegij bona defenderat ) infami apud Superiores notâ aspersus, eoque exauthoratus, tacuit nobili quietoque silentio; sed patuit innocentia etiam ab eo non defensa. Incredibilis oculorum dolor ad eum illi increuit, ut alter oculorum ei exilierit; illo inter-

Hispanus Toleti. 7. Oct. 1588. ætat. 46. Soc. 20. Silentium.

Patientia.



ea de doloribus nihil questio. Felices aiebat eos, qui paucioribus dotibus præditi sunt, quod alas non habeant, quibus volent ut capiantur à rapaci accipitre. Ager medico dixit (licet ipse quoque medicinæ olim Doctor) ageret, quod videretur. Sibi enim in opratis esse obedire potius quam sanari. Nouitij ollas Ægypti repetere meditantis imbecillitate diuinitus inter orandum intellectâ, illi suauissimè quid cogitaret dixit; eumque & in vocatione constabiliuit; & aliis alia plura prædixit.

Hamil.

## P. PAVLVS

HEVTIN.

INDIAS desiderio complexus, earum loco impetrauit tandem se impendere lue infectis: à quorum contagione moriturus, gaudebat impensè in tali opere se mortem ralem reperire, qualem frustra fortè in transmarinis orbis partibus quæsuisset. Hic post mortem Patri Ioanni de Kraekere graui mœrore & lachrymis presso punctu apparuit, ut aiunt Annuæ anno 1647. & prædixit; fore ut sibi in cælo breui socius iugeretur. Et euentus prædictioni respondit, Ioanne Paulum breui secuto.

Belga Dun-  
kerkæ. 7.  
Oâ. 1646.  
ætat. 39.  
Soc. 9.

Charitas.

Mors.

## VIII. DIE OCTOBRIS.

P. ANTONIVS

BOSCHVS.

P. GASPAR

LOARTE.

8. Octobris  
Hispanus  
Salsari. 1157.  
alius ponit  
7. Octob.  
Euchar.  
Vocatio.

Hic auditâ Societatis famâ, quod crebrior esset in illa S. Synaxis versus, sanctam illam esse interpretatus, nomen illi dedit, modicâ doctrinæ, sed insigni virtutum, etiam proximorum salutis mirificè idonearum, laude in illa versatus. Ante mortem ingenti lætitiâ gestiens; magnificam, inquit, victoriam consecuta est nostra Classis de classe Turcarum: de parta tunc, sed istuc necdum perlatâ victoria loquebatur. Vnde argumento fuit, illum eam mirabiliter didicisse. Quare ad agendas Deo gratias omnes inuitans, *Te Deum laudamus*, recitauit vnâ cum sociis: & biduo post cælestia decantans, lætus intrauit in gaudium Domini sui.

Mors.

Vir etiam ante initam Societatem doctus ac probus: quippe magni Ioannis Auilæ discipulus, & iam tum diuinis meditandis quaternas quotidie horas tribuens; Christi que cruciatus tam tenere meditatus, ut eos peteret experiri, & locum in quo orabat manantibus vberim lachrymis latè aspergeret. B. Borgia exemplo ad Societatem pellectus, Genuæ cum præesset Rector vehementer re quapiam angebatur. Tum illi Cruci affixis Christus sese ostēdēs ut ei videbatur, amanter illum solatus, *Bono animo esto, inquit: ego te per omnem tuam vitam nunquam deseram.* Et promissi veritatem dulcissimè est expertus. Orationis tam erat amans ut etiam æger eo tempore, quo matutinâ horâ domi

Hispanus  
Valentiz.  
8. Oâ. 1578.  
ætat. 500.  
26.

Lachryma.

Oratio.  
Crucifixus.

D D d 2

orabant